

## YMDDIRIEDOLAETH ELUSENNOL YNYS MÔN

<b>PWYLLGOR:</b>	<b>YMDDIRIEDOLAETH ELUSENNOL YNYS MÔN</b>
<b>DYDDIAD:</b>	<b>22 MEDI 2015</b>
<b>TEITL YR ADRODDIAD:</b>	<b>Y BROSES AR GYFER GRANTIAU MWY</b>
<b>PWRPAS YR ADRODDIAD:</b>	<b>SEFYDLU GWEITHDREFN</b>
<b>ADRODDIAD GAN</b>	<b>TRYSORYDD – YMDDIRIEDOLAETH ELUSENNOL YNYS MÔN</b>
<b>GWEITHREDU:</b>	<b>CYTUNO AR Y GWEITHDREFNAU A NODIR</b>

### 1. CRYNODEB

Mae'r adroddiad hwn yn nodi ac yn ceisio cysoni'r broses ar gyfer derbyn, ystyried a chymeradwyo ceisiadau a dderbynnir gan yr Ymddiriedolaeth am grantiau mwy.

Ar hyn o bryd, mae ceisiadau am lai na £1,000 yn cael eu derbyn ar bapur gyda dogfennau i'w cefnogi ac, ar yr amod eu bod yn cwrdd â meini prawf penodol, yn cael eu hystyried wedyn gan Bwyllgor Grantiau'r Ymddiriedolaeth. Mae'r gweithdrefnau ysgrifenedig ar gyfer ymdrin â'r ceisiadau hyn ac maent wedi cael eu defnyddio'n gyson dros y blynyddoedd.

Ar hyn o bryd, nid yw'r broses ar gyfer delio gyda cheisiadau mwy ar gael ar ffurf ysgrifenedig er gwaethaf y ffaith y cafwyd nifer o geisiadau yn y blynyddoedd diwethaf. Ymgais i ddatrys yr anghysondeb hwnnw yw'r papur hwn.

### 2. CYLLIDEB

Bob blwyddyn ym mis Ionawr, mae'r Ymddiriedolaeth yn derbyn adroddiad gan y Trysorydd yn nodi cyllideb arfaethedig ar gyfer y flwyddyn ariannol ddilynol. Mae'r adroddiad hwn yn nodi rhagamcan o'r incwm buddsoddi y mae'r Ymddiriedolaeth yn ei ddisgwyl ynghyd â ffigwr ar gyfer ffioedd rheoli.

Yn ogystal, mae'n nodi cyllideb sydd wedi ei dirprwyo i'r Pwyllgor Grantiau fel y gall ddyrannu grantiau. Ychwanegir at y drefn hon o gyllideb 2016/17 ymlaen drwy wneud argymhelliad a gosod cyllideb debyg wedi ei dirprwyo i'r Pwyllgor Adfywio ar gyfer grantiau mwy.

Bydd y cyfanswm a fydd ar gael i'r ddau bwyllgor yn cael ei benderfynu ar ôl cymryd i ystyriaeth yr angen i gynnal gwerth parhaus buddsoddiadau'r Ymddiriedolaeth ar gyfer cenedlaethau'r dyfodol.

### 3. Y BROSES O GYFLWYNO CAIS

Bydd y Trysorydd yn gwneud trefniadau i sicrhau fod proses geisiadau gadarn yn cael ei sefydlu ar gyfer ceisiadau am grantiau mwy gyda hynny'n cydymffurfio â'r arferion gorau o ran rheoliadau mewnol.

Bydd y broses yn ddibynnol ar y darpariaethau isod:-

- (i) Bydd yr holl geisiadau yn ysgrifenedig ac ar ffurflen gais safonol y bydd y Trysorydd yn ei dyfeisio a bydd y ffurflen yn cael ei llofnodi gan berson ag awdurdod i lofnodi ar ran yr ymgeisydd;

- (ii) Bydd y set fwyaf diweddar o gyfrifon wedi eu harchwilio yn cael eu cynnwys gyda'r holl geisiadau er mwyn eu cefnogi;
- (iii) Rhaid i bwrpas y grant, os caiff ei ddyrannu, fod yn glir ar y ffurflen gais;
- (iv) Nodir ar y ceisiadau am grant y modd y bydd y sefydliad a'r hyn y gofynnwyd am grant ar ei gyfer o gymorth i gyflawni pob un o'r amcanion isod er budd yr ynys a chymuned Ynys Môn (neu, os yw'n berthnasol, ardal lai o'r ynys):-
  - (a) O gymorth i grwpiau difreintiedig;
  - (b) Adfywio'r economi leol;
  - (c) Gwella sgiliau;
  - (d) Lleihau tlodi;
  - (e) Gwarchod treftadaeth;
  - (f) Gwarchod yr amgylchedd;
  - (g) Cymryd rhan mewn gweithgareddau sy'n ymwneud â chwaraeon, iechyd ac sydd er lles y gymuned;
  - (h) Datblygu ysbryd a lles cymunedol..
- (v) Rhaid cynnwys gyda cheisiadau, dystiolaeth ar bapur i gyfiawnhau'r swm y gofynnir amdano, er enghraifft, gynllun busnes ar gyfer prosiect, dyfynbrisiau ysgrifenedig ac ati;
- (vi) NI ddylai ceisiadau gynnwys taliadau llog, ffioedd cyllido neu unrhyw ffioedd bancio;
- (vii) Ni fydd unrhyw sefydliad yn cael grant mwy ddwy flynedd yn olynol neu ddwy flynedd allan o unrhyw bump;
- (viii) Bydd y Trysorydd yn edrych ar yr holl geisiadau ac yn gwrthod unrhyw rai nad ydynt yn cwrdd â'r meini prawf (i) i (vii). Nid yw meini prawf (iv) (v) a (vi) yn berthnasol i'r cyllid a roddir i Oriel Môn;
- (ix) Bydd y Trysorydd yn cyflwyno i'r Pwyllgor Adfywio yr holl geisiadau y mae ef/hi'n fodlon â nhw yn unol â maen prawf (viii) ac yn cynnwys, ym mhob achos :-
  - (a) Argymhelliad i dderbyn neu wrthod;
  - (b) Unrhyw gyfyngiad y mae angen iddo/iddi sôn amdano yn seiliedig ar y cyllid sydd ar gael am weddill y flwyddyn; a
  - (c) Unrhyw amodau megis dogfennau pellach sydd eu hangen neu unrhyw amodau eraill y mae angen cwrdd â nhw.
- (x) NI fydd unrhyw grant a gymeradwywyd ond yn cael ei ryddhau pan fydd unrhyw amodau cysylltiedig wedi cael eu bodloni;
- (xi) Bydd yr Ymddiriedolaeth yn gwneud trefniadau priodol i ddilyn i fyny'r grantiau a roddwyd er mwyn sicrhau fod yr arian wedi cael ei ddefnyddio i'r pwrpas yr hawliwyd ac y bwriadwyd y grant ar ei gyfer ac, mewn achosion lle nad yw hynny wedi digwydd, bydd y Trysorydd yn gofyn am ad-daliad neu'n adrodd i'r pwyllgor gydag argymhelliad sydd yn ei farn ef/ei barn hi, yn briodol;
- (xii) Lle mae angen ad-dalu grant a ddyrannwyd, bydd yr Ymddiriedolaeth hefyd yn ceisio adennill costau perthnasol a llog wedi ei weithio allan fesul diwrnod yn unol â Chyfradd Sylfaenol Banc Lloegr ar y pryd + 3%.

#### 4. ARGYMHELLION

Argymhellir bod yr Ymddiriedolaeth yn cytuno :-

- i) Ar y dull o benderfynu ar gyllideb ar gyfer y Pwyllgor Adfywio bob blwyddyn; a
- ii) Y broses a'r meini prawf a nodir yn yr adroddiad hwn.